

Válde aktijvuodav

Ij galga surgulattja duogen aktijvuodav válldet. Ep muojon lulu javllat "skuolkasta munji jus la juoga, mån lav dánna" dan diehti gå surgulasj vájbi ij nagá árrót sán gut ietjas gullen dahká. De buorep la jus javllap "Skuolkastav dunji diijstagá vaden, vássteda jus nagá". Muhttijn ij vássteda ja árrus de návti, surgulasj ij agev nagá vásstedit, valla máhttep de vaden ja vaden skuolkkat.

Liege gierddis

Juohkka surgulattjan la ietjas surggo, mav mij vierttip dádjadit ja gierddat. Máhttá sjaddat návti vaj mij gæhttjalip surgov ierijt jaskadahttet jali vájbbap gå ij suono. Surgon ij la "buoremusávdđálabiejuve" ja ij gávnnu vissa ájgge surggat. Muhtem ájádusájt dár-baj gærddodit, soabmásiida soajttá liehket ájnas oasse surgov dádjadimes ja bargadi-mes.

Vuosedá lahkavuodav

Álos mijás balli ilá lahka nággit ja álu hæjttá dan láhkáj vaj ep ávvá guláda. Soajttá návti ussolip surgulasj dár-baj ráfev jali vuorddep gullumis vehik desik "værámus la vássám". Ájnas la mij tjielggasit vuosedip mij danna gávnnup vaj surgulasj ij ietjas dábđá álggolin jali ebdalussjen.

Boarkki sjávodisvuodav

Muhtema dábđdi lássát la guládit guo-jmmeulmutjij gut surggá. Majt javlav? Na jus ber sjávvun jali tjierragoahťá? Valla ájnnasamos ij la mejt javllap ájnat jut sjávo-disvuodav boarkkip. Ja muhttijn la sms:a buorep tjoavdos telefávnás dajna gå álkke-but tjállá ja vásstet.

Álgada

Lea buorre jus mii geat doarjut sáhttit leat dat geat evttohit áibbas árgabeaivválaš doaimma. Evttot gáfestal- lat, geahččat filmma dahje dušše fitnat váccašeamen. Mángasat geat moraštit gáibidit bottu morrašis ja unnánaš dábálaš eallima. Dat gean mii bovdet soaitá biehttalit ja dat lea áibbas ortnegis, dehálaš lea ahte jearrat – ja duostat fas jearrat.

Vatte sajev

Soajttá moaddása avta bále soarjjiji sæmmi ulmutja badjel. Ulmutja gudi li lagámusáv láhppám li ietjasa sierra láhkáj tjanádum dan ulmutjij gut dálla la gáhtum. Surggo ij la sæmmi lágásj ulmutjis ulmutjij. Ájnas la mij adnep surgulattjav guovddelin vaj ep iehtjama mujtoj ja dábdoj suv duoppeda. Hæhttup mujttet surgulattja dábdojt vuostatjin biedjat, makkára ájn li. Mijá ájádusá ja giehto li diedon aj ájnnasa – valla ælla ájnnasabmusa.

Frykt ikke, for jeg er med deg, vær ikke redd, for jeg er din Gud! Jeg gjør deg sterk og hjelper deg og holder deg oppe med min rettferds høyre hånd.

Jesaja 41, 10



Oajvvadásá dán brosjyran li dássju muhtema moattet dagos majt mij guojmmeulmutja máhtep surgulattjaj dahkat. Ale uhtseda binnep dagov, unnep dahko aj máhttá ednagav mierkkít. Jus sidá ienep doarjjagav jali soabmásav gejna ságasta de guossida tjoaggulvisáv gánná áro jali kirken.no/chat. Besa aj ráhkádallat jali ginntalav tsahkkidit webbabielen.kirken.no/be

Mij la vuostasj viehkke surggobále?

Ij aktak ulmusj galga dárbaht aktu surggat. Dan diehti la Vuona girikko ájádusájt ja oajvvadásájt tjoahkkim ma midjij guojmmeulmutjijda álkkebun dahki gávnnut doarjjon sunji guhti surggá. Surgov ij máhte divvot, valla gå dav juogat de buorebut dav gierddá. Girikko la guhkijt juo surgulattjajt huksam ja doarjjum. Oajvvadásá dánna li ájgodum vuostasj viehken, vuostasj ájge, gå jábmem duosstu.

Gájkka surgo li sierralágátja ja duohtavuoda jalik bagádusá e gávnnu. Vájbi danen aj náv álos jiebbi ietjá ulmutjij surgguj oassálasstet. Dáj oajvvadásájt Vuona girikko doajvvu álobu dábd-duji jaskadabbon ja li ienep gárvvása, vaj aktak ij aktu surgguj bátse.



VUONA GIRKKO



VUONA GIRKKO

Vuostasj viehkke surggobále

Oajvvadásá ma álkkebun dahki surgulattja guoran gávnnut